

ԴԵՌԱՀԱՄԱՆԵՐՆ ԻՆՉ ԿԱՐԴԱՆ *

(Յ. Տէր-Միրաբեանի)

138. Գէորգ Կրարբ, Օստրոգորսկու ժողովածուից, Թարգմ.
Տ. Կոստանեանցի. Թֆլս, 1894. գինը 5 կոպ.

Աղօտ գոյներով թուղցիկ կենսագրութիւն է, որ և է ֆնայուն տպաւորութիւն դժուար է սպասել: Չգիտես էլ թէ իսկապէս որ հասակի մանկան սրտի հետ կարող էր այս գիրքը խօսել:

139. Գէորգ Ռոլլէստոն, հեղ (?). Թարգմ. Աղանեանցի.
(սպառուած):

Ամեն մի քայլափոխում պատահող արկածների ժողովածու է, գեղարուեստական քիչ արժէք ունի:

140. Գիթուլիմ ժիլ Լրմետրի. Թարգմ. օր. Ն. Աղանեանցի: Հրատ, «Լումայի» խմբագր., Թֆլիս. 1904. 17 փոքրդ. եր. գինը 5 կոպ.

Մի պարսկական իշխան ողորմութիւն էր տալիս աղքատներին և նրանց օգնում տհաճութեամբ ու զղջանքով: Որմիպղը նրան երկրորդ անգամ կեանք է պարգևում աղքատի վիճակում: Երբ որ մի բարի աղջիկ նրան տանում սիրով խնամում է, այն ժամանակ նախկին իշխանը զգում է Որմիպղի ասածը, որ բաւական չէ ողորմութիւն տալ, երբ սիրով չես կատարում այդ: Տպաւորութեան գործում է:

141. Դաւիթ Կոպպէրֆիլդ 2. Դիկկէնսի. Թ. Հ. Հ. Ը. Թարգմ. Պ. Պ. 1897. գինը 1 ռ.

Թէև առաջնակարգ գրուածքի համառօտ փոխադրութիւններից մէկն է, այնուամենայնիւ գեղեցիկ տպաւորութիւն է գործում: Այնքան հարուստ է բնագիրը, որ իր համառօտութիւնիցն էլ առատ բաժին հանել կարող է:

142. Նրեւելի մանկութիւնը. մատենադարան դպրոցական և ընտանեկան: Պոլիս, 1887. պատկերազարդ, 192 եր. գին.

*) Տէս «Մուրճ» № 2.

Նշանաւոր 11 մարդկանց մանկական հասակի թուուցիկ կենսագրութիւններ են: Նրանց կեանքի հասուն շրջանը մի քանի խօսքով յիշտակւում է ամեն մէկի կենսագրութեան վերջը: Դրուածքի տոնն էլ ընդունելի չէ. շատ աւելորդ դատողութիւններով խճողւած է: Այս գրքից շատ բան չի մնայ ընթերցողների յիշողութեան մէջ:

143. Զոհակ Բիւրասպի Աժդանակ. Ամբողջ վէպ Շահնամէից, Ֆրդուսի: Թարգմ. Սամուէլ Գիւլզադեանցի, Շուշի, 1894. մեծադ. 70 եր. գին?

Աժդահակը կործանում է Ջէշիդի թագաւորութիւնը, նրան հաշմանդամ շինելով, հալածում կորուստի է մատնում: Ապա կռուի մէջ բռնւում է Ֆրիդունից, կապւում ու բանտարկւում է Դիմաւէնտի կիրճում:

Դեհ (օձ) կամ խաւարի անվերջ կռուի նկարագրութիւններից մէկն է: Մանր լեզուով թարգմանուած, շատ տեղեր մնացել են մութը, առանց բացատրութեանց:

144. Էշմիաժին: Արտատպ. «Դպրոցից»: Ժողովրդական գրադարան: 1886. 22 միջակ եր., գինը 5 կ.

Չոր ու ցամաք պատմական տեղեկութիւններ են. սիրտ չեն տաքացնիր:

145. Թզուկ Ա. Դողէի: Թարգմ. Հ. Տէր Միքայէլեանցի. 1881. Թֆլիս.

Թզուկը մի անբաղդ ու սնանկ ընտանիքի. զաւակ է, որ հմայիչ կերպով նկարագրում է իրանց թշուառ կեանքը:

146. Թովմաս Բոցարիս. ճշգրիտ անցք. Թարգմ. (?) Մոսկուա. 1891. 31 փքրդ. եր. գին.

500 տարի առաջ Թ. Բացորիսը բորբոքուած իր և ուրիշների կրած սարսափելի գազանութիւններից տաճիկների կողմից՝ ժողովուրդը ոտքի է հանում, ազատում է հայրենի կղզին: Յետոյ մի քանի վատ մրցակիցներ երևան են գալիս, չար նախանձից գրգռւած՝ Թովմասին բրոջ հետ թունաւորում են և կղզին դարձեալ ընկնում է տաճիկների ձեռքը: Տպաւորիչ է:

147. Իշխանն ու աղըատը, պատմ. վէպ Մ. Տուէնի: Թարգմ. Գ. Շահբուզադեանի. 1893. 300 եր. գինը 1 ո.

Մի հումարիստական գրուածք է, որ վեր է հանում անգլիական կեանքի ու կառավարութեան սոսկալի ու ծաղրալի կողմերը: Այն ինչ որ նրանց համար հին բան է, տարաբաղդաբար մեր կեանքում դեռ գոյութիւն ունի, մեր իրականութիւնից կարծես վեր առած կենդանի պատկերներ են:

Արժէ կարդալ:

148. Խիղճը կորուս Շչէգրինի: Թարգմ. Մ. Ղազարեանցի:

թ. չ. չ. Ը. 1892. Այլ 2 վէպիկների («Իդէալիստ ծածան» և «Իմաստուն ծանծաղուկը») հետ 62 եր. գին. 15 կոպ.

Թղթի վրայ գրուած խիղճը ընկնում է զանազան ախտ-երով վարակուած սրտի տէր մարդկանց ձեռքը և նրանց վրայ տեսակ տեսակ ազդեցութիւն է գործում: Վերջը այդ խիղճը մի անմեղ սրտի մէջ է ընկնում, որտեղից ապագայի համար մեծ յոյս է տալիս:

Արժէ կարդալ, շատ արժէ:

149. Կովկասի գերին Լ. Տոլստոյի: Թարգմ. Պ. Պ. Թ. չ. չ. Ը. 1894 66 միջ. եր. գինը 20 կոպ.

Երկու ուս սպայ լեռնցի թուրքերի ձեռքը գերի են ընկնում, որոնք նրանց ոտքերը ցերեկը կոճղ են դնում, գիշերները հանում: Նրանցից մէկը խաղալիքներ շինելով գրաւում է թուրքի մատաղահաս աղջկանը: Մի անգամ պատը ծակում ազատւում են, բայց դարձեալ բռնւում: Վերջը մէկը փախչում է թուրքի աղջկայ օգնութեամբ, իսկ միւսը փրկանքով է ազատւում:

Տպաւորիչ է:

150. Հայ դիւցազնունի մը: Հրատ. Մ. Փորթուգալեացի. 1885. 30 փքրդ. եր.

Մի անգլիացի ճամբորդ շոգենաւի մէջ մի հայ ուսեալ երիտասարդի հետ վիճաբանութեան բռնուելով՝ իբրև ապացոյց հայութեան ապագայ յուսալի կեանքի պատմում է մի հայ գեղ-ղջկուհու խանին կնութեան չգնալու անյողորդդ որոշումը: Այս աղջիկը ամեն տանջանք յանձն է առնում ու վերջը բանտի բարձր պատուհանից վայր ընկնելով կիսամեռ է լինում:

Թէև գեղարուեստական գրուածք չէ, բայց իբրև հայկական կեանքից վեր առած իրողութիւն՝ արժէ կարդալ:

151. Հայոց մնծ վարդապետ սուրբ Մեսրոպը. կազմեց Մելեան: Պատկերով: Թֆլս. 1883. գինը 25 կոպ.

Կարելի է յանձնարարել, միայն թէ ի նկատի պէտք է ունենալ, որ գրաբար աղբիւրներից քաղուած շատ բառերն ու դարձուածքները ծանրացնում են ընթերցումը:

152. Հայրենագուրկ Ի. Սպիրիի: Թարգմ. Գերմ. Ի. Յա-րութիւնեանցի. Թֆլս. 1896. 196 փքրդ. եր. գինը 50 կոպ.

Բիկօն Իտալիայում գրկւում է մօրից, Շուիցերիայում հօրից: Ապա դաժան ազգականուհու ձեռքից փախչելով հայ-րենիք, այնտեղ ջութակ ածելով իր գլուխը պահում է: Ապա իրան սիրելի Մանիկ աղջկանն էլ բերում տեղաւորում է մի հարուստ ընտանիքի մէջ իբրև հիւանդապաշ: Սիլվին երեխային: Երեքն էլ ջերմ սիրով կապւում են: Վերջապէս տանտիկինը

իմանալով Րիկոյի ու լինելը յայտնում է, որ այդ կալուածքի կէսը նրան է պատկանում: Մանիկն ու Րիկոն էլ իրար հետ ամուսնանում են:

Տպաւորութիւնը գեղեցիկ է:

153. Հայրենասէր տիկին, տիկ. Լ. Դանիէրի. Թփլս. 1897. 24 փոքրդ. եր. գին...

Ալգասցի մի պատուական ընտանիքի պատմութիւն է: Ֆըրանս-պրուսական պատերազմին զոհուում է այրի. կնոջ երկու սպայ որդիները, երրորդն էլ զոհուում է կամաւոր գնալով մօր ցանկութեամբ: Նրանց բոյրն էլ հարկադրուած է լինում մօր ցանկութեամբ մերժել պերմանացի նշանածի ձեռքը, ապա մեռնում է: Մայրը երբեմն շէն դաստակերտը աւերակ թողած դաղթում է Ֆրանսիա պրուսահպատակ չը լինելու համար:

Տպաւորիչ է:

154. Հարսնացու(սերբիական կեանքից), Թարգմ. Յովհ. Արաքշեանցի, Ալքսնդրպլ, 1893, № 1, հրատ. «Այգ»-ի: 83 միջակ եր. գինը 15 կոպ.

Նկարագրուում է Սերբիայի ծանր լուծը, տանջանքները և ապատագրական ձգտումները: Իւս «հարամբաշին», անձնուէր Լիպայի քաջ նշանածը, իր սէրը զոհուում է թշուառ հայրենիքի ազատութեանը: Թէև հայրենիքը վերջն ազատուում է, սակայն ինքն էլ զոհ է գնում և չի կարողանում միանալ Լիպայի հետ, որ իրան մեծ վտանգի ենթարկելով նշանածին մի անգամ ազատած էր եղել:

Արժէ կարգալ:

155. Հաւատարմութիւնը ասեն քանի յաղթում է: Ֆր. Գոֆմանի. Թարգմ. Յարութիւն Առաքելեանի. Թփլս. 1877. 141 միջակ եր. գինը.

Հուգենոտների ժամանակից մի էպիզոդ է: Բողոքական Մոնֆէր դուքսին և սրա որդուն մեծ անձնուիրութեամբ ազատում է կորուստից նրանց ծերունի, հաւատարիմ ծառայ Բրեքետը:

Շատ շինծու բան է:

156. Մոլլա-նասր-էդլին. Ժողովրդական առակներ: Հաւաք. Ե. Լալայեանց: Թփլս. 1903. 246 միջ. եր.

Ընտրովի հաւաքածու է, որի միայն կէսը, պ. Լ. վերագրում է Մոլլային, իսկ մնացածը հայկական առակներ է համարում:

Զուարճալի են՝ իբրև ժամանց:

157. Յովհաննաս տ' Արգ կամ Օրլէանի օրիորդի պատ-

մոլթիւնը. Հ. ԶԿ. Վ. Տէրտերեանցի. Բ. տպ. Վիեննա 1893.
97 միջ. եր. գինը 50 կոպ.

Այս գիւցազնունու անձնաւորութեան ու տանջանքների պատմութիւնը հետաքրքրիւթեամբ կը կարդացուի: Տես ներքեւ «Օրլէանի կոյսը»:

158. Յունաստանի ուսուցիչ Սոկրատէսը, հեղ (?), Թարգմ. Տ. Կոստանեանցի. Թֆլս. 1898. 80 միջ. եր. գինը 20 կոպէկ:

Այս իմաստունի բարոյական-կենսական սկզբունքները պարզ կերպով բացատրուած են:

Արժէ կարդալ:

159. Նեղոն ու Պատրաշը Ուիդաի, Թարգմ. ռուս. Թֆլս. 1897. փոքրդ. 64 եր. գինը 10 կոպ.

Մի կաթնավաճառ (նաև նկարիչ) մանկան ու նրա շան սրտառուչ պատմութիւնն է: Խեղճ ու հալածուած Նեղոն միայն այն ժամանակ է գնահատուած, իբրև ազնիւ պատանի ու տաղանդաւոր նկարիչ, երբ որ իր շան հետ Ռուբէնսի պատկերի առջև եկեղեցում ձմրանը անշնչացած է լինում:

Շատ սրտառուչ է:

160. Ներսէս Մեծ. Ժողովրդական գրադարան. Թֆլս. 1885. 13 միջ. եր. գին. 5 կոպ.

Այս կենսագրութիւնը քաղուած է գլխաւորապէս Հ. Ղ. Յովհաննիսեանի «Մեծն Ներսէս» աշխատութիւնից:

Գէշ է:

161. Ոսկի բզէզ, Էդգար Պօ'ի. Ժողովրդական վէպ. Թարգմ. Գր. Շահբուղդեանց. Թֆլս. 1887. 57 միջ. եր. գինը 20 կոպ.

Գրաւիչ կերպով պատմուած է, թէ ինչպէս լըԳրանը սրաւը տութեամբ գտել է աւազակների Թագցրած գանձերը մի ծառի տակ:

Մեծ արժէք չունի:

162. Որը Աննան Կլ. Լուկաշևիչի. Թարգմ. ռուս. Թֆլս. 1904. փքրդ. 56 եր. գին 12 կոպ.

Գիւղից քաղաք եկած 16 տարեկան որբ աղջկայ կեանքից է:

Սկզբները անխիղճ տանտիկիւններից տանջուած, հիւանդանում է, անտէր. մնում: Ապա մի բարի տանտիկնոջ ձեռք է ընկնում, նրանից ու նրա երկու թոռնիկներից սիրուում:

Դժուար թէ շատ հետաքրքրութիւն չարժէ դեռահասաների մէջ:

163. Որքերի արտասուքը: Հեղ (?), Թարգմ. Յովհ. Արարաշեանցի: Ալքսնդրալ, 1892. 16 փքրդ. եր. գին 2 կոպ.

Անխիդճ «մութիկ» Դէնիսը հրդեհում է դրացու խրճիթը: Տէրն ու խրճիթը այրւում են, կնոջն ու որբուկներին անտուն անտէր թողնելով: Դ. տիրանում է այդ գետնին, գեղեցիկ խրճիթ շինում, բայց շուտով ինքն էլ իրար ետևից զրկուելով իր սիրելիներէից՝ անբաղդանում է, զղշում է, մեղքը գիւղացիներին խոստովանւում ու աքսոր է գնում՝ նախապէս իր բոլոր ունեցածները այն անտէր որբերին թողնելով:

Արժէ կարդալ:

164. Չալաքիներ 1. Մանուէլեանցի. պատկերների վերջին ոռւս-թրքական պատերազմի ժամանակից:

Գիւղական կեանքից վեր առած այս պատկերները հիմա աւելի ժամանակակից են: Այն ժամանակուայ թիւրքիմացու-թեամբ առաջացած սարսափելի իրարանցումը այսօր իրօք տեսանք:

165. Պայվայ մանուկը կամ կապկացած երեխայ Մ. Վ. Նազարեանցի: Թֆլս. 1896. 32 միջ. եր գին 15 կոպ.

Հինգ տարեկան մանուկը ընկնելով կապիկների մէջ՝ վայրենանում է, կապկանման դառնում անճանաչելի լինելու չափ: Վերջը երբ բռնւում է ու քաղաք տարւում խաղցնելու համար, մի թագուհի գնելով նրան պալատում պահում է: Այստեղ մարդկային ընկերութեան մէջ հետգհետէ մարդկային յատկութիւնները նրանում զարգանալով վերջապէս նա ճանաչելի է դառնում: Վերջը իր արժանաւորութիւնների շնորհիւ Պայվան արժանանում է մինչև անգամ թագուհու աղջկայ ձեռքին ու դահին:

Շատ կը հետաքրքրէ մանուկներին:

166. Պատմութիւն Ռուսէնսոնի Բոլիզօէ. Հայր Մ. Վ. Բժիշկեանի, Վնտկ. 1876. 5 տպգ. 360 փքրդ. եր. գին. 1 ո.

Պատկերազարդ չէ, և թէև 5 տպագրութիւն է տեսել, ընտիր Ռոբրիզոնադ լինելուց շատ հետո է: Փոխանակ Ռոբրիզոնի կուլտուրական ճիգերը, հնարագիտութեանց ճանապարհները հրահանգիչ կերպով նկարագրելու, համարեա գրքի ամեն մի էջում նորից ու նորից վերադառնում է կրօնական գեղուն զգացմունքների արտայայման, որ հակառակ հետեանքի կարող է հասցնել: Քաթողում է այն միտքը, որ փորձանքները գալիս են մեր գլխին մեր մեղքերի համար և այն աստուածային դիտաւորութեամբ, որ հետեանքը որ և է բարիք լինի:

167. Բորինզօն Կրուզօի ճանապարհորդութիւնը եւ զանազան արկածները: Դանիէլ Դէֆօէ'ի, Թարգմ. Ս. Թառալ-

եանցիւ Պատկերազարդ, Թֆլա. 1904. մեծնդր. 286 էր. գինը 1 ռ. 25 կոպ.

Մի այսպիսի ընդարձակ և պատկերազարդ Ռոբինզոնի չափազանց մեծ պահանջ կար մեր մանկական գրականութեան մէջ։ Այս պահանջը զգալի չափով լցուցանում է այս գիրքը։ Այս փոխադրութեան մէջ էլ Ռ-ի ձեռքը շատ գործիքներ և այլ կենսական պիտոյքներ են ընկնում ընկղմուած նաւից։ Ցանկալի էր որ այդ միջոցները մինիմումի հասցրած լինէին։ Ցանկալի է, որովհետեւ աւելի հետաքրքրական է այն Ռոբինզոնը, որ աւելի քիչ կուտուրական պաշար է բերած ինքում հետը։ Այսպիսի վիճակի մէջ դրուած Ռ-ի ինքնապաշտպանութեան ճիւղերը աւելի շահեկան կը լինէին, աւելի հարցասիրութիւն կ'առջացնէին դեռահաս ընթերցողների մէջ։ Այս գրքում անշուն տեղ է տրուած ընկերական նոր կազմակերպող կեանքին անմարդարնակ կղզու վրայ։ Շատ հրահանգիչ կը լինէր Ուրբաթին ու նրանից յետոյ Ռոբինզոնի շնորհիւ ազատուած վայրենի ու բաղաբակիրթ անձերից հետզհետէ կազմակերպուող ընկերական կեանք տեսնել այդ կղզում։ Բացի այս՝ չգիտեմ արդէն կամ այնպիսի Ռոբինզոնադներ, ուր կինն էլ մասնակցութիւն ունեցած լինէր նորմէկանց կազմակերպուող այս ընկերական կեանքում։ Մի այսպիսի թէև միանատուր, բայց տիպիկ պատկերի շնորհիւ միայն մատաղահաս ընթերցողին աւելի կը պարզուէր կուտուրական կեանքի դարգացման վերին աստիճանի հետաքրքրաշարժ շաւղը։

Յամենայն դէպս՝ պ. Թ. այս թարգմանած. Ռոբինզոնը արժանի է ամեն մի հայ մանկան՝ ընթերցանութեան սիրելի նիւթ դառնալու։

168. Ռոբինզոնի պատմութիւնը, Թարգմ. Գ. Բ. Աղանեսնցիւ, Թ. Հ. Հ. Ը. 1881. գինը 60 կոպ.

Այս Ռոբինզոնադում Ռոբինզոնի ձեռքը սկզբները ոչ մի գործիք չէ տրուում, բայց հետը նա ինարկէ բերած ունէր եւ րոպական կեանքից ու արհեստներից յիշողութիւններ։ Յետոյ Ուրբաթն էլ շատ բաներ է սովորեցնում նրան, իսկ վերջը Ռ. շատ գործիքներ է գտնում անգլիական նաւում։ Նախընթաց Ռոբինզոնադի առիթով արածս դիտողութիւնն ի նկատի ունենալով՝ այս դասաւորութիւնը աւելի նպատակայարմար կը լինէր։

Արժէ այս փոխադրութիւնն էլ կարդալ տալ։

169. Սիաուուշ, ամբողջ վէպ Շահնամէից Ֆրդուսի՛ի, Թարգմ. բնագիր պարս. Սամուէլ Գիւլզադիանցիւ, Շուշի 1894. 143 մեծդ. էր. գինը...

Շահնամէի հերոսներից Սիաւուշի ճակատագիրը ամենածանրն է: Իր հօրից, Իրանի թագաւորից, անարդարութեամբ հալածած ապաւինում է նա Թուրանի թագաւորին, որ պատուով ընդունելով իր անհաշտ թշնամու որդուն, իր աղջկանը այս տարագիր թագաժառանգին կնութեան է տալիս, իսկ վերջը չարամիտ մարդկանց անսալով հաւատարիմ և անձնուէր երիտասարդին յօշոտել է տալիս:

Ափսոս որ անագին քանակութեամբ արեւելեան իմաստաւից խօսքեր, դարձուածքներ անհասկանալի կը մնան: Սիաւուշը թէև Շահնամէի այլ դիւցազններգութեանց հետ այս հատուածի մէջ առայ, բայց նաև բովանդակութեան տեսակէտով աւելի յանձնարարելի է 16 տարեկաններին ու աւելի հասունացածներին:

170. Վիլհէլմ Տէլլ Շիլլէրի, դրամա 5 արարուածով: Թարգմ. Գ. Բարխուդարեանցի: 1873. 205 միջ. եր.

Այս պատմական դրամայից ստացուած տպաւորութիւնները անշինջ կը մնան դեռահաս սերունդի սրտում: Կարգաւ տալ 256-257 համարներից յետոյ:

171. Սիրտ է. Դէ. Ամիշիսի: Թարգմ. Փ. Վարդանեանցի: Թֆլս. 1889. գինը 1 ռ.

Շատ հիանալի և ազդեցիկ պատկերներ են աշակերտական կեանքից վեր առած:

172. Յրինի Օստրոգորսկու: Սրգ. 1888. 61 փջրդ. եր. գինը...

Սուլթան Սուլէյման Բ. գերմանացոց հետ 1555 թւին ունեցած պատերազմի էպիզոդներից մէկն է: Սիգիսմունդ Բ. թագաւորի, նրա կնոջ, դստեր, փեսի և բոլոր քաղաքացիների անձնուէր ու քաջարի կեանքն է նկարագրում: Այս հերոսները մի ամբողջ ամիս դիմադրելով սուլթանի ջ հազարնոց զօրքին՝ նրան յուսահատեցնում են և ցասոյթից անշնչանում: Գեղեցիկ է նաև Բիւակին սպայի համարձակ պաասխանը սուլթանին:

173. Փաշայն Նովլու Լաբուլէի: Արեւելեան զրոյց: Թարգմ. Գէ. Գրիգորեանցի. Թֆլս. 1896. 40 միջ. եր. գինը 10 կոպ.

Մի փաշա անգլիացիների հետ ընհարում ունենալով հարկադրուած զրկուել արդիւնաւոր պաշտօնից և աքսորում է: Նա իր գեղանի դուստրը առնելով աքսոր է գնում: Այս աքսորում փաշայի որդին սիրահարւում այդ աղջկան, որ արածացնում էր իր հովիւ դարձած հօր ոչխարները: Բայց փաշայի որդուն մերժում է հովիւ փաշան առարկելով որ արհեստ չգիտեցող մարդուն աղջիկ չի տալ: Երիտասարդը այսպիսով արհեստ սովո-

բելուց յետոյ միայն արժանանում է իր սիրածի ձեռքին: Հով-
իւ-փաշային սուլթանը ներում է, բայց նա մերժում է նախկին
դիրքը բռնել, պատասխանելով որ իր կեանքը վտանգի ենթա-
րկել այլ ևս չէր ցանկալ: Սուլթանը գովելով նրան՝ միջոց է
տալիս պարտիզականութեամբ պարապելու:

Կենդանի պատկեր է:

174. Փոքրիկ լրտես Ա. Դուրէի: Պար. 1890. գինը 24.

Փոքրիկ լրտեսի հայրենասիրական անձնութիւնը շատ
սրտառու է: Միւս երկու անձերն էլ ազդու կերպով նկա-
րուած են:

175. Ռինայի գիտը, զրոյց: Թարգմ. Օր. Մար. Ակի-
մեանի: Մոսկւա. 1889. 48 եր. գին...

Ամերիկայում հնդիկները քինան գաղտնի էին պահում,
որպէս զի իրանց խիստ ատելի եպոնացիք չկարողանալով
տենդից բժշկուիլ, կոտորուէին: Այս գաղտնիքը բանալը մահ-
ուան պատժով արգելուած էր: Զիւման հնդիկ սպասուէին ծա-
նը հիւանդ փոխարքաուհուն սիրելով նրան գաղտնիքը հաղորդեց
մահից ազատելու համար, բայց եպոնացիները նրան մահուան
դատապարտեցին, կարծելով թէ տուածը թոյն է եղել: Վերջը
ամեն բան պարզուում է:

Մի սրտաշարժ զրոյց է:

176. Օմուկ Կարմէն Սիւվայի: Թարգմ. Գր. Շահբուդա-
ղեանցի: Թֆլս. 1891. 32 միջ. եր. գինը 8 կոպ.

Թագաւորի որդին անհետանում է և հանդիպում մի ճգնա-
որի, որի խրատները լսելով նրա կեանքը յեղաշրջւում է և
շատ բարեգործութիւններ է անում: Նա մինչև անգամ բժշկում
է իր հիւանդ խորթ եղբորը, որ նրա փոխարէն թագաւորական
գահը պէտք է գրաւէր: Շատ տառապելուց վերջը յաջողւում է
փախստական թագաժառանգին իր սիրած սրբ աղջկան առնել
և գահին արժանանալ:

Տպաւորութիւնները շատ էլ խոր չեն:

177. Օրլէանի Կոյսը, Ըստ Շիլլէրի Վիկ. Օստրոգորսկու:
Թարգմ. Յ. Խ. Թֆլս. 1898. 98. միջ. եր. գինը...

Այս փոխադրութիւնը № 157 ում նշանակուածից բաւա-
կանին տարբերւում է բովանդակութեամբ: Այնտեղ պատմում
է, որ Ժաննան անգլիացիների ձեռքով խարոյկի վրայ այրւում
է, իսկ այս գրքում որ նա վերաւոր ընկնում է պատերազմի
դաշտում և մեռնում թագաւորի ձեռքերի վրայ: Առանձնապէս
շեշտուած է Ժ-ի վհատութեան պատճառը՝ թշնամու զօրավար
Լիօնէլին սիրահարուիլը և այս պատճառով նրա կեանքին խնա-
յելը: Ապա նկարագրւում Ժ-ի լքուած թշուառ դրութիւնը, ան-

տառում անպաշտպան թափառելիս անգլիացիների ձեռքը գերի ընկնելը, բերդում շղթաները փշրելու և վերջին ճակատամարտին մասնակցելը:

Արժէ կարդալ:

14—16 տարեկանների համար:

178. Աքրանամ լինկոլն Մունթի: Թարգմ. Օր. Մաթիլդա Տէր Միքայէլեանցի: Թֆլս. 1885

Բովանդակութիւնը թէև գէշ է, սակայն թարգմանութիւնը մեծ թերութիւններ ունի:

179. Ազատութեան սասին: Ջոն Ստիւարտ Միլլի: Ռուս. Թարգմ. Ա. Կ. Մ. Գ. Ը. 1898. 275 էր. գինը...

Քիչ թէ շատ դարգացածներին մատչելի պարզ աճով գրուածք է մտքի, խղճի, գործունէութեան... ազատութեան վերաբերեալ:

Արժէ և աւելի լաւ է 16 տարեկան հասակին մօտեցածներին տալ:

180. Աստծո՞ւն թէ մամոնային Լ. Տոլստոյի: Թարգմ. Մամբրէ վարդապետի: Վղչպտ. 1913, փքրդ. 22 էր.

Հանրամատչելի և համոզիչ կերպով խօսում է արբեցողութեան դէմ:

Արժէ կարդալ մանաւանդ այն պատանիներին, որոնք այդ ախտի ժողովրդական կամ ստացական միտում ունեն:

181. Անմէղ արքայազն Ալ-Քամըլ կամ սիրոյ ուխտաւոր, արեւելեան զրոյց: Վաշինգտոն Իրվինգի: Թարգմ. Յուկոր Խօջամիրի: Բագու 1894. 61 միջ. էր. գինը 20 կոպ.

Արքայազնը (արաբ), արքայադուստրը (քրիստոնեայ)՝ երկուսն էլ իրանց ծնողների ձեռքով շրջապատող աշխարհից մեկուսացրած են, որպէսզի սիրոյ վտանգին չենթարկուեն: Բայց երբ որ նրանք հասնում են արրունքին, այդ զգացմունքը սկսում են կարդալ ամենուրեք ընութեան մէջ: Խօսունք թռչունները և կախարդութիւնը վերջը միացնում է նրանց՝ հակառակ իրանց ծնողների ձեռք առած բոլոր պահպանողական խիստ միջոցներին:

Զքնաղ կեանքի նկարագիր է:

182. Աստուած չճանաչող Մ. Քամալեանցի: Թֆլս. 1895. փքրդ. 32 էր. գինը 10 կոպ.

Մի խառնիկ (Մուշ նահանգից) արիասիրտ հայ գեղջուկի քաջագործութեան պատմութիւնն է՝ քրդերի և թուրքերի գազանութեանց դէմ մաքառման գեղեցիկ օրինակ:

Արժէ կարդալ:

183. Արութիւնն եւ Մանուէլ, վէպ Դ. Աղաեանցի: Կրկր.

տպ. լրացրած: Թֆլս 1888. գինը 1 ր. 60 և էժանադին 40 կոպ.

Պատանեկական կեանքից վեր առած այս գրաւիչ պատկերները արժէ կարդալ:

184. Աղբատ մարդիկ Վեսելիտսկայի:

Բազմազաւակ ձկնորսի աղքատ կեանքն է նգարագրուած: Այս խեղճը սիրուն գլխարտութեամբ ներս է առնում դրացու երկու որբուկներին, որոնց մայրը միտել էր միայնութեան մէջ՝ նախապէս իր զաւակներին քուն դնելով:

Տպաւորութիւնը խորն է:

185. Ամենալաւ բանը աշխարհում Դրումմոնդի: Հայեր. փոխդր. Կ. սարկ. Տէր-Մկրտչեանց: Թֆլս. 1893. գինը 20 կ.

Քարոզի ձևով բացատրուում է, որ սէրն է աշխարհումս ամենալաւ բանը:

Ազդու է:

286. Այց Թիւրքեաց Հայաստանին Լ. Սարգսեանցի: Թֆլս 1890., գինը 60 կոպ.

Հետաքրքրութեամբ կը կարդացուի այս ճամբորդական նկարագրութիւնը:

187. Աշակերտի յիշատետրը Ի. Յարութիւնեանցի, Թֆլս.

1887. 57 միջ. եր., գինը 30 կոպ.

Ներսիսեան դպրոցի ճամբորդ աշակերտների խմբից մէկի բերանով հաղորդում է Սանահնից, Վարդաբլուրից, Լոռիից, Զաւարթլիից, Արդուից և Օձունից ստացած տպաւորութիւններ:

188. Նսան-Միրան, աւանդական մի պատկեր Թահմազ-Շահի Վասպուրականի արշաւանքից: Սէյլան, Թֆլս. 1892. 84 փքրդ. եր. գինը 20 կոպ.

16-դ դարի պատմական միջադէպ է Գարեգին անուն Թագաւորազունը սիրահարում է Նազենիկ գեղջկուհուն, որին թուրք իշխանը ուղղում է բռնի հարէմ տանել: Բայց պարսից արշաւանքն ամեն բան տակն ու վրայ է անում, Նազենիկն էլ յուսահատութիւնից ծոփն է նետում: Գարեգինը նրա միայն դիակն է գտնում: Պարսիկները օգնում են նրան և առաջարկում որ իրանց հաւատն ընդունէ: Սաստիկ վշտացած ու զայրացած երիտասարդը համաձայնում է, Պարսկաստանում մինչև վեգիլութեան աստիճանին է հասնում, վերջը թունաւորում է շատ բարձրաստիճան մարդկանց ու գազանաբարոյ Թահմազ-խանին:

Հետաքրքրութիւն կարող է շարժել, բայց իբրև գրուածք քիչ արժէք ունի:

189. Բանաստեղծ իդէալիստ Շիլլէր, դր. Ս. Թառայեանցի, Սպգ. 1903. պատկերազարդ, մեծդր. 440 եր. փառակազմ 3 ռ.

Շատ արժէ կարդալ այս մեծ բանաստեղծի կենսագրութիւնը, որի ազդեցութիւնը դեռահաս սերնդի վրայ զօրաւոր կը լինի:

Պէտք է տալ աւելի զարգացածներին կամ 16 տարեկան հասակին արդէն մօտեցածներին:

190. Բոյսերի մեծարանքը Ալ. Քիշմիշեանցի. Թֆլս. 1891 36միջ. եր. գինը 15 կոպ.

Հետաքրքրական տեղեկութիւններ են հին ու նոր ազգերի կեանքից բոյսերի մեծարանքի, սրանց շատերի անունների խորհրդաւոր ծագման մասին: Ափսոս որ համապատասխան լատիներէն անունները դրուած չեն:

191. Բնկիւմն Փրանկլին Ֆէրդին, Շմիդտի գերմ. Թարգմ. Փել. Վարդանեանի, 1885. Թֆլս., երկր. տպ.

Մեծ մարդու այս կենսագրութիւնը շատ խրախուսական բնաւորութիւն ունի:

Բաւականին Թեթև լեզուով է Թարգմանուած:

192. Բուդհա եւ իր վարդապետութիւնը. Կաղմեց Ստ. Մալխասեանց. Թ. Հ. Հ. Ը. 1897. գինը 20 կոպ.

Այս վարդապետութեան էական իդէան կայանում է կենդանական զգացողութեան ճնշման մէջ: Բուդդհայի վարդապետութեանը վերացական իդէալական էր՝ հակառակ Կոնֆուցիոսի վարդապետութեան: Տես № 218 համեմատութեան համար:

Զարգացածների համար համեմատութեան ու խորհրդակցութեան գեղեցիկ նիւթեր են: Տես «Կոնֆուցիոս» ներքեր:

193. Բնաւորութիւն Սմայլսի. Թարգմ. Փ. Վարդանեանի. Թֆլս. 1888. գինը 1 ռ.

Երբ որ պատանին սկսում է զբաղուել վերացական գաղափարներով, արժէ տալ նրան Սմայլսի այս և միւս գրուածքները՝ իբրեւ մի տեսակ գործնական ներածութիւն փիլիսոփայական գաղափարների:

194. Գիւղական փաստարան էլիզա. Օրժէշկօի. Թարգմ. Յովհ. Մեզնիկեանի, 1896. գինը 20 կոպ.

Հարստահարիչի ու հարստահարուածի գիւղական կենդանի պատկերներ են:

195. Դէորգ Վաշինգտոն Շմիդտի. Թարգմ. Փ. Վարդանեանի, Թֆլս, 1885, գինը 60.

Գեղեցիկ կենսագրութիւն է: Ափսոս որ գրաբար բառերը ծանրացնում են ընթերցումը:

196. Դնանք նրա հոսելից Հ. Սինկեիչի: Թարգմ. Տ. Վարդանեանցի: Ախալցխա, 1896. 67 միջ. եր. գինը 20 կոպ.

Հիանալի նկարագրութիւն է Անթէայի ձգտումների, ներան ու Քրիստոսին շրջապատող կեանքի և վերջինիս խաչելութեան:

197 Դուլիվէրի ճանապարհորդութիւնը Սֆիվթի: Թարգմ. Դ. Աղայեանցի. Թ. Հ. Հ. Ը. 1897. գինը 50 կոպ.

Այս գիրքը հասկացողների համար իսկապէս մի պատմական պարսաւագրութիւն (պամֆլետ) է անգլիական կեանքից, որ շատ աննշան կապ կարող է ունենալ մեր նաև հասակաւոր սովորական ընթերցողի աշխարհայեցողութեան ու կեանքի հետ: Այս գրքի հայերէն թարգմանութիւնը նպատակին քիչ թէ շատ հասցնելու համար անհրաժեշտ էր մի ներածութիւն: Բերլինի յայտնի քննադատ Լէօ Բէրդ ասում է, որ նա և իր մանուկ հասակակիցները «համաշխարհային գրականութեան այս դառնուագոյն գիրքը իբրև հէքիաթ էին վայելում»:

Մեր դեռահաս ինչպէս նաև հասակաւոր ընթերցողները հէնց այսպէս էլ կը վերաբերուեն այս գրութեան:

198. Դուստու Վազա, պատմ. վէպ պատանիների համար Ներեցի: Թարգմ. ռուս. Ս. Վեհապետեանցի: Ալքսնդրպլ. 1887. 97 եր. գինը 30 կոպ.

Այս գրութեան թէև գեղարուեստական տեսակէտով անանձին արժէք չունի, սակայն Շվէդիայի ազատագրական պատերազմը 16. դարի սկզբում ընդդէմ դանիացի բռնապետ Քրիստիան Բ. մինչև վերջը հետաքրքրութեամբ կարդացւում է: Աւելի գրաւում են Դուստու Վազա և Բաւ հերոսները: Արտամարտական սկզբները ժողովուրդը թէև վերին աստիճանի վախկոտ է եղել, սակայն վերջը, երբ դանակը ոսկրին է հասնում, համարեա ամբողջովին շրջապատել է ապագայ շվեդական թագաւոր Գ. Վազային: Առանց դաւաճանութեան դէպքերի դուրս է եկել այդ ազատութիւնը:

Արժէ կարդալ:

199. Դիօգինէս յոյն փիլիսոփայ: Թարգմ. Սեդ. Մնջոյեանի: Ալքսնդրպլ. 1900. փքրդ 119 եր. գինը...

Շատ ակնարկ, որ գործնական փիլիսոփայութեան այդ կարևոր գիրքը անվարժ ձեռքով է թարգմանուած: Այնքան շատ են օտար ոճերն ու դարձուածները, որ բազմաթիւ տառասխալների հետ նրանք չափազանց նսեմացնում են այս ընտիր գրութեան արժէքը: Տպաւորութիւններն այնուամենայնիւ ազդու են:

200. Երկու թռչուն՝ Վ. Փափագեանի, Թֆլս. 1905. 13 միջ. եր. գինը 3 կոպ. Հրատ. Թ. Հ. Ը.

Վանդակում փակուած երկու դեղձանիկներից էգը լսելով ազատասէր ճնճողակի խօսքերին՝ մի օր, երբ վանդակի դռնակը բաց է մնացած լինում, փախչում է, իսկ արուն երկիւղ կրելով արտաքին աշխարհի վտանգներից՝ մնում է մէջը և արժանանում մինչև անգամ տիրոջ արհամարհանքին:

Այս գրոյցը արժէ կարդալ:

201. Երկու ըարեկամ՝ Օ. Շուպիայի, 1878. դին 25 կոպ. Վիպախառն ճամբորդական նկարագրութիւն է: Բիչ արժէք ունի:

202. Երկու երեկոյ կոտ. Մուրլիկայի, № 184 հետ: Գրիստոսի խաչի խորհուրդն է բացատրում և հրահանգում է, որ գիտնական լինելը բաւական չէ, այլ որ օգուտ պէտք է տալ ուրիշներին:

203. Զանգակի երգը Շիլլէրի, Թարգմ. Գ. Բարխուդարեանցի: 1884. գինը 20 կոպ.

Ընտիր է:

204. Զգացմունքների աշխարհից Ի. Յարութիւնեանցի, Թֆլս. 1898. գինը 30 կոպ.

«Վէրք Հայաստանի»-ց ստացած խոր տպաւորութեանց շերմ արտայայտութիւնն է: Արժէ կարդալ:

205. Զուարճալի պատմիւծքներ Մարկ Տուէնի, Թֆլս. 1891. 104 միջ. եր. գինը. 15 կոպ.

Պէտք է երբեմն այսպիսի բաներ էլ կարդալ, որոնք թէև շատ հրահանգիչ չեն, բայց և այնպէս հասարակական ու ընտանեկան կեանքի երևոյթները խոշորացոյցի տակ դնելով՝ մեզ աւելի զգալի են ներկայանում:

206. Էրզրում Դր-էդ. Նումանի, Թարգմ. Ի. Յարութիւնեանցի: Թֆլս. 1895. 31 փքրդ. եր, գինը 5 կոպ.

Դիւաւորապէս նկարագրում է 1889 թ. քաղաքական դժբութիւնը. ժողովրդի մասին ոչինչ, իսկ երկրի մասին քիչ բան կայ այս գրքում:

307. Թշուառների ըարեկամ՝ Ըժ. Հաազ: Փխդր. ոռւս. Վ. Արծրունի: Թֆլս. Հ. Հ. Ը. 1900. 91 փքրդ. եր, գինը.,

Այս վերին աստիճանի անձնագոհ, իդէալական բժիշկի կեանքը շատ և շատ օրինակելի է:

208. Իգնատիոս Լոյոլա պատկերով, կաղմ. Լ. Մելիք-Աղամեանց. Թֆլս. 1890, 121 փքրդ. եր. գինը 30 կոպ.

Նկարագրում է այս եզուկիտական ուխտի հիմնադրի կեա-

նքը և հասարակական գործունէութիւնը, որոնց մասին կարելի է որոշ գաղափար կազմել այս գրքի միջոցով:

209. Իղէալիստ ծածանն Շչէգրին, Թարգմ. Մ. Ղազարեանցի. տես այլ տեղեկութիւններ № 148 ում:

Ձուկը իղէալիստ մարդու դեր է կատարում, խօսում, խորհրդակցում է և միութիւն քարոզում գիշատիչ ձկների դէմ, բայց միամտութիւնից ինքն էլ զոհ է գնում:

Այս այլաբանութիւնը հետաքրքրութեամբ կը կարդացուի:

210. Իմաստուն ծանծաղուկը, Տեղեկութիւններ տես 148 և 209 համարներում:

Այս այլաբանութեան հերոս ձուկը ծածանի հակապատկերն է. սա միայն իր կաշուի վրայ մտածելով 100 տարի կարողանում է ապրել:

Հետաքրքրական է:

211. Ինգլիսացիութիւն Սմայլսի, Թարգմ. Փ. Վարդանեանի. Թֆլս. 1890. գինը 1 ռ.

Ինչպէս որ նոյն հեղինակի «Բնաւորութիւն» երկի մասին էլ ասել էի, արժէ որ կարդան դէպի վերացական գաղափարները արդէն միտում ունեցող զեռահասները: Այս գրուածքն էլ կարող է իբրև նախապատրաստութիւն ծառայել:

212. Լալուարի որսը Վ. Միրաբեանցի: Թֆլս. 1901. 48 փքրդ. եր. գինը 20 կոպ.

Հիանալի պոյէմա է որսորդի ու նրա աղջկայ կեանքից:

Շատ արժէ կարդալ:

213. Լինհարդ եւ Գերտրուդ Հ. Պիստալոցի: Թարգմ. ոռւս. համառօտութիւնից: Թ. Հ. Հ. Լ. 1891. 133 միջ. եր. գինը 25 կոպ.

Բաւականին յաջողուած համառօտութիւն է, տպաւորութիւն գործում է: Այս գիրքը ընթերցողին ակներև կերպով ցոյց է տալիս, թէ ինչ կարող են անել գիւղում մի քանի եռանդուն ագնիւ գործիչներ և թէ ինչ հրաշքներ կարող է գործել պարտաճանաչ խելացի մայրը:

214. Լինհարդ եւ Գերտրուդ Հ. Պիստալոցի: Գերմ. Թարգմ. Ի. Յարութիւնեանց: Թֆլս. 1897. 423 եր. գինը՝ 1 ռ. 50 կոպ.

Մեծ մանկավարժի այս վէպը, որ իրական կեանքի շատ խնդիրներ է շօշափում միշտ հետաքրքրութեամբ կը կարդացուի:

Տես նաև նախընթաց համարին վերաբերեալը:

216. Կազիս Կովերսկայի, լեհ. վէպիկ, Թարգմ. օր. Միս-
րուհի:

Երբ դաժան պրուսացիները գալիս են մի տուն օտարա-
հպատակ լեհացիներին Գերմանիայից դուրս անելու համար,
Կազիս որբ աջկիկը (8 տարեկան) կաթուածահար է լինում
ու մեռնում է:

Շատ խոր տպաւորութիւն է գործում:

217. Կախարդը է. Օրթէշկօի: Ռուս. Թարգմ. Յովհ. Մեդ-
նիկեան: Պտգ. 1896. գինը 15 կոպ.

Անմեղ գթասիրտ կինը, որ ղեղերով օգնում էր հիւանդ-
ներին, խաւար ժողովրդի կողմից կախարդի տեղ է ընդունւում
ու սպանւում:

Տպաւորիչ է:

218. Կոնֆուցիոս եւ իր փիլիսոփայական գործունէու-
թիւնը: Կազմ. Գ. Բադդ. Թ. Հ. Հ. Ը. 1887. գինը 20 կոպ.

Աւելի հետաքրքրական կը լինի այս գործնական վարդա-
պետութեան հետ կարգալ Բուդդիստի իդէալականը և համեմա-
տել քրիստոնէական վարդապետութեանը: Տես Բուդդիստ Ձ 192.
Վերապահել 16 տարեկան հասակին մօտեցածներին:

219. Հազարից մէկը, Վէպիկ Ն. Մամեկոնեանի: Թֆլս.
1895. միջ. 234 եր. գինը 60 կոպ.

Գանձակի գիւղերից մէկի կեանքից է: Շէն ու հիւրասէր
ընտանիքը քանդուած է շնորհիւ մի տղրուկ վաշխառուի: Թըշ-
ուառ ընտանիքի զաւակը, Վահանը, հարկադրուած է ռուս. տաճ.
պատերազմի ժամանակ միլիցիա մտնել իր սիրած նշանածից
էլ զրկուելով: Աւագը, այս թշուառ ընտանիքի որդին, բռնի
կնութեան է առնում Վ-ի նշանածին: Սողը էլ վրայ հասնելով՝
խսպառ աղքատացնում է Վ-ի ծնողներին, եղբոր որբերին:
Վերջը Վ. հարստութեամբ վերադառնալով՝ հօր մահուանից ա-
ռաջ հասնում է ու նրա կեանքի վերջին օրերը թեթեւացնում:

Տպաւորութիւն գործում է: Տալ աւելի հասունացածներին:

220. 1500 Տարի առաջ Ի. Յարութիւնեանցի: Թֆլս.
1904. փքրդ. 64 եր. գինը 20 կոպ.

Ամփոփ պատմութիւն է մեր տառերի գիւտի մասին:

Արժէ կարդալ:

221. Հիախիսի արծիւը, պատմական վէպ 1801-1829: Կով-
կասի տիրապետութեան 100 ամեակի առթիւ: Բագրատ Այվա-
զեանի: Թֆլս. 1901. միջ 208 եր. գինը 1 ո.

Երբ այսօր հին բարբարոսութեանց պատմութիւնը կրկն-
ւում է իր բոլոր մանրամասնութիւններով մեր աչքերի առջև,
ւելի նշանակելի է այս գրուածքի բովանդակութիւնը: